

# Saunia mo le Afio Mai Faalua

## Tutu i nofoaga paia

Faitau mau faasino ma faamatalaga nei, ma vaavaai mo auala e mafai ona tatou filifili e tutu ai i nofoaga paia.

Salamo 24:3–4; Isaia 58:13; Helamana 5:12; 3 Nifae 18:24; Mataupu Faavae ma Feagaiga 27:15; 115:5–6

Na faamatala mai e Sister Ann M. Dibb o le Au Peresitene Aoao o Tamaitai Talavou:



Sa fautua mai Peresitene Ezra Taft Benson, “O nofoaga paia e aofia ai o tatou malumalu, o tatou falesa, o tatou fale, ma siteki o Siona, e . . . ‘mo se puipuiga, ma mo se sulufaiga’ [Mataupu Faavae ma Feagaiga 115:6] [“Prepare Yourself for the Great Day of the Lord,” *New Era*, Me 1982, 50]. E faaopoopo atu i nei mea, ou te talitonu e mafai ona taitasi i tatou ma sueina nisi mau nofoaga. Atonu e tatau ona tatou mafaufau muamua i le upu *nofoaga* o se siosiomaga faaletino po o se tulaga faalefaafanua. Peitai, o se *nofoaga* e mafai ona o “se tulaga iloga, tulaga, po o se tulaga o le mafaufau” [Merriam-Webster Online, “place,” [merriam-webster.com/dictionary/place](https://www.merriam-webster.com/dictionary/place)]. O lona uiga o nofoaga paia e mafai foi ona aofia ai *minute i taimie* molimau mai ai le Agaga Paia ia te i tatou, taimi tatou te lagonaina ai le alofa o le Tama Faalelagi, po o taimi tatou te maua ai se tali i a tatou tatalo. E le gata i lea, ou te talitonu o soo se taimi e te maua ai le lototoa e tu atu mo le mea tonu, aemaise i tulaga e leai se isi e naunau e faia, ua e fatuina lava se nofoaga paia. (Ann M. Dibb, “O O Outou Nofoga Paia,” *Liahona*, Me 2013, 115)

## Ia Avea le Agaga Paia ma lo tatou taiala

Faitau mau ma faamatalaga nei, ma vaavaai mo auala e mafai ona tatou avea ai le Agaga Paia mo lo tatou taiala.

Faataoto 3:5–6; Salamo 118:8–9; 1 Nifae 4:6; 2 Nifae 32:5; Moronae 10:5; Mataupu Faavae ma Feagaiga 11:12–14

Sa aoao mai Peresitene Dallin H. Oaks o le Au Peresitene Sili:



E faapefea ona tatou avea le Agaga Paia ma o tatou taiala? E tatau ona tatou salamo i vaiaso taitasi ma faafou a tatou feagaiga e ala i le aai ma feinu i le faamanatuga ma lima mama ma se loto e mama, e pei ona poloaiina ai i tatou e fai [tagai Mataupu Faavae ma Feagaiga 59:8–9, 12]. E na o le pau lea o le ala e mafai ai ona tatou maua le folafolaga paia, o le a tatou “maua pea lona Agaga e faatasi ma i [tatou]” [Mataupu Faavae ma Feagaiga 20:77]. . . .  
. . . E tatau ona tatou faia e le aunoa mea e tatau ai ina ia faatumauiina ai lena Agaga. E tatau ona tatou tausia ia poloaiga, tatalo mo le taitaiga, ma auai i le lotu ma aai ma feinu i le faamanatuga i Aso Sa taitasi. Ma e le tatau ona tatou faia soo se mea e tuliese ai lena Agaga. Aemaise lava, e tatau ona tatou aloese mai ata ma tusi mataga, ava malosi, tapaa ma fualaau faasaina, ma ia aloese lava pea mai le solia o le tulafono o le legavia. (Dallin H. Oaks, “Aua Ne’i Faaseseina,” *Liahona*, Nov. 2004, 46)